



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITE YA 12

SESOTHO PUO YA LAPENG (HL)

PAMPIRI YA BORARO (P3)

PUDUNGWANA 2017

MATSHWAO: 100

NAKO: Dihora tse 2½

Pampiri ena e na le maqephe a 6.

DITAELO LE DIKELETSO HO MOHLAHLOBUWA

1. Pampiri ena e arotswe DIKAROLO TSE PEDI:

KAROLO YA A: Moqoqo (50)

KAROLO YA B: Ditema tsa Kgokahano tse 2 (2 x 25) (50)

ELA HLOKO: O lebelletswe ho araba dipotso TSE PEDI KAROLONG YA B.


2. Araba potso E LE NNGWE KAROLONG YA A, dipotso TSE PEDI KAROLONG YA B.
3. Araba dipotso TSOHLE ka Sesotho.
4. Qala KAROLO E NNGWE le E NNGWE leqepheng LE LETJHA.
5. Etsa moralo wa tema e nngwe le e nngwe (ka ho etsa mmapa wa monahano/ daekramo/tjhate e bontshang tatelano ya mehopolo kapa lenane la dintlha tseo o tlang ho ngola ka tsona). Ha o qetile ho ngola tema ya hao, e bale hape ho hlaola diphoso. Meralo e hlahiswe QALONG ya tema ka nngwe.
6. Meralo yohle e totobatswe ka tshwanelo hore ke meralo. O eletswa ho seha mela meralong yohle.
7. O eletswa ho sebedisa nako ka mokgwa ona:
- KAROLO YA A: Metsotso e le 80
- KAROLO YA B: Metsotso e le 35 tema ka nngwe (2 x 35) (70)
8. Nomora dikarabo tsa hao jwalo ka ha dipotso di nomorilwe pampiring ya dipotso.
9. Sehlooho se se ke sa balellwa e le karolo ya palo ya mantswe.
10. Ngola ka mongolo o makgethe mme o balehang.

KAROLO YA A: MOQOQO**POTSO YA 1**

Kgetha sehlooho kapa setshwantsho SE LE SENG, mme o ngole moqoqo wa bolelele ba mantswe a 400 ho isa ho a 450 (dikahare feela). Hopola ho etsa moralo le ho hlaola diphoso.

- 1.1 Leshano ha le na mokoka! [50]
- 1.2 Bohahlaudi ke tharollo ya tlokeho ya mesebetsi. [50]
- 1.3 Seabo sa motjha dikgethong. [50]
- 1.4 Puo le moetlo ke diyathoteng di bapile. [50]
- 1.5 Baithuti ba ipabolang dithutong tsa bona tsa materiki ba lokela ho fumantshwa tshehetso ya tsa ditjhelete ha ba fihla yunibesithing. Dumellana kapa o hanane le mohopolo ona. [50]
- 1.6 Makoloi a molemo haholo ho rona, empa a boetse ke lerumo le re qetelang setjhaba. [50]
- 1.7 Ditshwantsho tse latelang di ka qholotsa mehopolo e itseng maikutlong a hao. Kgetha SE LE SENG mme o ngole moqoqo ka mohopolo wa sehlooho o qholotswang ke setshwantsho. Ngola nomoro ya potso (1.7.1 kapa 1.7.2) eo o e kgethang, mme o iqapele sehlooho sa hao.

1.7.1



[Setshwantsho se qotsitse bukeng ya *Understanding Relationships*, Awereness Publishing, 2009:49]

[50]

1.7.2



[Setshwantsho se qotsitswe makasineng wa *Sawubona*, Motsheanong, 2016:18]

[50]

MATSHWAO OHLE A KAROLO YA A:

50

KAROLO YA B: DITEMA TSA KGOKAHANO**POTSO YA 2**

Kgetha mme o ngole ditema TSE PEDI tsa bolelele ba mantswe a 180 ho isa ho a 200 (dikahare feela) tema ka nngwe. Hopola ho etsa moralo temeng e nngwe le e nngwe, mme o be o boele o lekole tema ya hao botjha ho hlaola diphoso.

2.1 LENGOLO LA KOPO

Ngolla dikereke tsa motse wa heno lengolo leo ka lona o kopang hore di tshehetse mokgatlo wa lona wa batjha o hlokomelang bana ba qhwadileng ka dijo le diaparo.

[25]**2.2 PUISANO**

Karabo ha a batle ho ya yunibesithing isao. Motswadi wa hae yena o batla a ntshetse dithuto tsa hae pele. Ngola puisano pakeng tsa Karabo le motswadi wa hae.

[25]**2.3 ATIKELE E YANG MAKASINENG**

Ngola atikele e yang makasineng eo ka yona o hlokomedisang setjhaba ka boqhekanyetsi bo etswang ke ditsotsi metjhining ya di-ATM.

[25]**2.4 LENANETSAMAISO LE METSOTSO YA KOPANO**

Ngola lenanetsamaiso le metsotso ya kopano moo o neng o le mongodi teng le tshohla meralo ya ho lwantsha botlokotsebe bo jeleng setsi motseng wa heno.

[25]**2.5 INTHAVIU E NGOLWANG**

Baahi ba motse ba ipelaetsa ka kgaello ya metsi motseng wa heno. Ngola inthaviu e dipakeng tsa moqolotsi wa ditaba wa lesedinyana la lebatowa la lona le ramotse wa heno.

[25]

2.6 LENGOLO MMOHO LE TOKOMANE YA BOITSEBISO

Tharollo Selepe o thahasella ho etsa kopo ya mosebetsi oo sekgeo sa wona se phatlaladitsweng papatsong e latelang.

Papatso ya sekgeo sa mosebetsi:

Lebitso la sekolo: Sekondari ya Lekgwaba

Poso: 01/2017: Mosebeletsi wa kantorong

Ditlhoko: Lengolo la Materiki; Dipoloma ya khomputara

Boiphihlelo: Tsebo ya khomputara

Boikarabelo:

- ✓ O tla phethahatsa mosebetsi yohle ya ofisi.
- ✓ O tla boloka direkoto tsohle tsa ofisi.
- ✓ O tla thusa matitjhere ho tlanya matshwao a baithuti.
- ✓ O tla amohela le ho thusa batswadi.
- ✓ O tla amohela melaetsa le ho e fetisetsa ho hlooho ya sekolo.

ELA HLOKO: Mokopi a be dilemo tse 18 ho isa ho tse 25.
E ka ba e motona kapa e motshehadi mme e be letswallwa la Afrika Borwa.

Mo ngolle lengolo la kopo o be o qetelle le tokomane ya hae ya boitsebiso le diphihlelo (CV).

TOKOMANE YA BOITSEBISO LE DIPHIHLELLO	
Mabitso:	Tharollo Selepe
Letsatsi la tswalo:	1 Motsheanong 1998
Nomoro ya boitsebiso:	9805010703086
Aterese:	No. 2154 Diphakweng Street Bohlokong 9820

[25]**MATSHWAO OHLE A KAROLO YA B:****50****MATSHWAO OHLE A PAMPIRI ENA:****100**